

## НА СТИХОВНЕ СТИХИРЫ САМОГЛАСНЫ, ГЛАС 2

**На** Иорда́нстей реце́,/ виде́в Тя Иоанн к себе грядúща,/ глаго́лаше: Христе Бо́же,/ что к рабу пришёл еси́,/ скверны не имый Го́споди?/ Во и́мя же чие Тя крещу́?/ Отца; но То-го но́сиши в Себе́./ Сына? Но Сам еси воплотíвыйся./ Ду́ха Святаго? И Сего веси даяти ве́рным усты́:// явлейся Боже, поми́луй нас.

**Стих:** Море виде и побеже,/ Иордан возвратíся вспять.

**Видеша** Тя воды Бо́же,/ видеша Тя воды и убо́яшася:/ к Твое́й бо славе противозрети херувими не мо́гут,/ ниже взирати серафíми,/ но со страхом предсто́яще,/ о́вии убо носят, овии же славят си́лу Твою́./ С ни́миже Щедре возвещаем хвалу Твою́, глаго́люще:// явлейся Боже, поми́луй нас.

**Стих:** Что ти есть море, яко побегло еси;/ и тебе Иордане, яко возвратился еси́ вспять?

**Днесь** небесе и земли Творец приходит плóтию на Иорда́н,/ крещения прося безгрéшный,/ да очíстит мир от лести вра́жия:/ и крещается от раба Влады́ка вся́ческих,/ и очищение водою роду человеческому да́рует.// Тому возопиим: явлейся Боже наш, сла́ва Тебе.

**Слава, и ныне, глас 6: [Феофаново:]**

**Еже** от Девы Со́лнце,/ видя иже от неплодове светильник свéтлый,/ во Иордане просяща крещéния,/ ужасом и радостию вопи́яше к Нему́:/ Ты мя освяти Влады́ко,// Божественным явлéнием Твоим.

**Таже, Ныне** отпускаеши: **Трисвятое. И по Отче** наш: